

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏ



### ԸՆԹԱՑԻԿ ԵԶՐԱԿԱՑՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԱՌՈՂՋԱՊԱՀՈՒԹՅԱՆ  
ԲՆԱԳԱՎԱՌՈՒՄ ԼԻՑԵՆԶԱՎՈՐՄԱՆ ԳՈՐԾԸՆԹԱՑԻ ԻՐԱԿԱՆԱՑՄԱՆ  
(ԲԱՑԱՌՈՒԹՅԱՄԲ ԴԵՂԱՏՆԱՅԻՆ ԳՈՐԾՈՒՆԵՈՒԹՅԱՆ  
ԼԻՑԵՆԶԱՎՈՐՄԱՆ) ՎԵՐԱԲԵՐՅԱԼ

### Հաշվեքննության հիմքը

ՀՀ հաշվեքննիչ պալատի 2018 թվականի հունիսի 25-ի թիվ 4/12 և հոկտեմբերի 19-ի թիվ 13/4 որոշումներ:

### Հաշվեքննության օբյեկտը

ՀՀ առողջապահության նախարարություն:

### Հաշվեքննության առարկան

Բժշկական օգնության և սպասարկման իրականացում լիցենզավորման գործընթաց:

### Հաշվեքննությունն ընդգրկող ժամանակաշրջանը

2017 թվականի հունվարի 1-ից մինչև 2018 թվականի հոկտեմբերի 31-ը ներառյալ:

### Հաշվեքննության կատարման ժամկետը

2018 թվականի հուլիսի 6-ից մինչև 2018 թվականի դեկտեմբերի 28-ը ներառյալ /ՀՀ հաշվեքննիչ պալատի 2018 թվականի դեկտեմբերի 12-ի թիվ 19/12 որոշմամբ երկարացվել է մինչև 2019 թվականի մարտի 29-ը/:

### Հաշվեքննության մեթոդաբանությունը

Իրականացվել է համապատասխանության և կատարողականի հաշվեքննություն: Հաշվեքննության ընթացքում կիրառվել են հաշվեքննության զննում, դիտարկում, արտաքին հաստատում, հարցում ընթացակարգերը:

### Հաշվեքննության ծավալը

Ընտրանքային կարգով հաշվեքննության է ենթարկվել ՀՀ առողջապահության նախարարության կողմից բժշկական օգնության և սպասարկման իրականացում լիցենզավորման գործընթացը: Ընդհանուր առմամբ հաշվեքննվող ժամանակաշրջանում բժշկական օգնության և սպասարկման իրականացում գործունեության տեսակի համար տրամադրվել են շուրջ 400 լիցենզիաներ:

### Հաշվեքննության նպատակը

Հաշվեքննության նպատակն է՝ գնահատել լիցենզավորման գործընթացի կազմակերպման և իրականացման որակը: Հաշվեքննիչ պալատը հաշվեքննությունն իրականացրել է հետևյալ ուղղություններով.

- արդյո՞ք անհրաժեշտ է բարելավել ներքին գործընթացները,
- օգտագործվա՞ծ են արդյոք տեղեկատվության հավաքման բոլոր հնարավորությունները,
- արդյո՞ք բավականաչափ օգտագործված են տեխնիկական միջոցները (օրինակ՝ տվյալների բազաներ),
- արդյո՞ք առկա են կարգավորման բացթողումներ, որոնք դժվարացնում են ստանդարտացված լիցենզավորման գործընթացները:

**Հաշվեքննություն  
իրականացնող  
կառուցվածքային  
ստորաբաժանում**

Հաշվեքննությունն իրականացվել է ՀՀ հաշվեքննիչ պալատի առաջին վարչության կողմից, որի աշխատանքները համակարգում է Հաշվեքննիչ պալատի անդամ Դավիթ Չիբուխյանը: